

Tùi Tímóthēh ê Hoanhù

4 Góa tī SiōngChú kah hit ūi teh beh símphòanⁿ oahlâng kah sílâng ê Kitok lésu bīnchēng, koh inūi Kitok ê hiánhiān kah I ê koktō, góa pekchhiat hoanhù lí: ² Tiòh thoāniong hokim; bōlūn sī tiòh sí á sī bō tiòh sí, lí lóng tiòh chúnpī piānpīān; ēng itchhè ê nāisim kah siōngsè ê kàutō, lâi kiùchēng, chíchek kah kólē. ³ Inūi hitê sījīt teh beh kàu à, lāng ē m̄ thiaⁿ sūnchiàⁿ ê kàsī, tiantò hīⁿkhang chiūⁿ, koh sūnthàn kakī ê suiòk, phèngchhiáⁿ chitê koh chitê in kahì thiaⁿ ê lāusu. ⁴ In ng hīⁿ m̄ thiaⁿ chinlí, tiantò khì thiaⁿ bōiáⁿ bōchiaⁿ ê thoānsuat. ⁵ Chóng sī, lí bōlūn tī siáⁿmih chēnghóng hā, lóng tiòh póchhī chhengchhéⁿ, jímsiū khó^{lān}, chò thoāntōchiá ê kangchok, lâi oānsēng lí ê chithūn.

⁶ Taⁿ góa hiseng kakī, hiàn hōⁿ SiōngChú ê kí íkeng kàu à, góa līkhui sèkan ê síkhek mā íkeng kīn ā. ⁷ Góa íkeng kenglék hit tiūⁿ bíhó ê chengchiàn, íkeng oānsēng tiòh pháucháu ê lōthēng, mā íkeng kiansiú tiòh chhisiú ê sèngióng. ⁸ Tùi taⁿ iāu, konggī ê koanbián íkeng ūi góa pīpān hósè, tòh sī hit ūi chiàu konggī símphòanⁿ ê Chú, tī hit jīt beh siúⁿsù hōⁿ góa ê, jīchhiáⁿ m̄ nā hōⁿ góa, mā beh hōⁿ sōū himbō I hiánhiān ê lāng.

Sujīn ê Kautài

⁹ Lí tiòh chīnliōng kín lâi góa chia. ¹⁰ Inūi Têmá thamloān chitê sèkan, tòh līkhui góa, khì kàu Thesalônīke. Kulésuke khì Galáhtia, Tīto mā khì Táhmatia, ¹¹ chíū Lūka kah góa tī chia. Lí tiòh khì chhōe Mákhó, koh chhōa i kah lí chòhóe lâi, inūi i tùi góa ê sūkang chin ū pangchān. ¹² Góa íkeng chhephài Tukhikó khì Éhusoh. ¹³ Góa tī Thóló'a ê sí lāu tī Kapò in tau ê gōasaⁿ, lí lâi ê sí tiòh kā i tòh lâi, iáu ū hiahê chheh, iūkī sī hiahê iūⁿphōe ê chheh mā tiòh tòh lâi.

¹⁴ Phah tâng saiū Aléksantāi kā góa hāi kah chin chhám, Chú ē chiàu i ê số chò lâi kā i pòèng. ¹⁵ Lí kakī mā tiòh thēhōng i, inūi i kékék hoántùi lán số thoān ê tōlí.

對提摩太 ê 吩咐

4 我 tī 上主 kah hit 位 teh beh 審判活人 kah 死人 ê 基督耶穌面前, koh 因為基督 ê 顯現 kah 祂 ê 國度, 我迫切吩咐你: ² Tiòh 傳揚福音; 無論是 tiòh 時 á 是無 tiòh 時, 你 lóng tiòh 準備便便; 用一切 ê 耐心 kah 詳細 ê 教導, 來糾正、指責 kah 鼓勵. ³ 因為 hitê 時日 teh beh 到 à, 人 ē m̄ 聽純正 ê 教示, 顛倒耳孔癢, koh 順趁 kakī ê 私慾, 聘請一个 koh 一个 in kah 意聽 ê 老師. ⁴ In 掩耳 m̄ 聽真理, 顛倒去聽無影無跡 ê 傳說. ⁵ 總是, 你無論 tī 啥物情況下, lóng tiòh 保持清醒, 忍受苦難, 做傳道者 ê 工作, 來完成你 ê 職份。

⁶ Taⁿ 我犧牲 kakī, 獻 hōⁿ 上主 ê 期已經到 à, 我離開世間 ê 時刻 mā 已經近 ā. ⁷ 我已經經歷 hit 場美好 ê 爭戰, 已經完成 tiòh 跑走 ê 路程, mā 已經堅守 tiòh 持守 ê 信仰. ⁸ Tùi taⁿ 以後, 公義 ê 冠冕已經為我備辦好勢, tòh 是 hit 位照公義審判 ê 主, tī hit 日 beh 賞賜 hōⁿ 我, 而且 m̄ nā hōⁿ 我, mā beh hōⁿ 所有欣慕祂顯現 ê 人。

私人 ê 交帶

⁹ 你 tiòh 盡量緊來我 chia. ¹⁰ 因為底馬貪戀 chitê 世間, tòh 離開我, 去到帖撒羅尼迦。革勒士去加拉太, 提多 mā 去撻馬太, ¹¹ 只有路加 kah 我 tī chia. 你 tiòh 去 chhōe 馬可, koh chhōa 伊 kah 你做伙來, 因為伊對我 ê 事工真有幫贊. ¹² 我已經差派推基古去以弗所. ¹³ 我 tī 特羅亞 ê 時留 tī 加布 in tau ê 外衫, 你來 ê 時 tiòh kā 它帶來, iáu 有 hiahê 冊, 尤其是 hiahê 羊皮 ê 冊 mā tiòh 帶來。

¹⁴ Phah 銅師傅亞歷山大 kā 我害 kah 真慘, 主 ē 照伊 ê 所做來 kā 伊報應. ¹⁵ 你 kakī mā tiòh 提防伊, 因為伊極力反對咱所傳 ê 道理。

16 Góa thâu chit pái ũi kakī piānkái ê sî, bô lâng tī góa ê sinpiⁿ chichhî góa, chènglâng lóng líkhì góa. Goān SiōngChú bô kā chitê chōe kui tī in. 17 M̄ koh, Chú kah góa tôngchāi, hō góa ũ khùilát thang kā sînsit oânchoân thoân khui, hō sōū ê gōapang lâng lóng ē tàng thiaⁿ tiòh. Jíchhiáⁿ góa mā tù sai káu tit tiòh kiù. 18 Chú ē kiù góa thoatlī sōū siâok ê kongkek, mā ē chhōa góa anchoân chìnjip l tī thiⁿténg ê koktō. Goān êngkng kui tī l, titkàu éngéng oánoán. Amen!

Chòeāu ê Chhéngan

19 Chhiáⁿ thè góa kā Pulísukilah, Akulah kah Ōnesíhōh choânke chhéngan. 20 Élásutoh kèsiók tōa tī Kolinto. Tolôhuimô inūi phòapēⁿ, góa kā i lâu tī Milétoh. 21 Lí tiòh chīnliōng tī tangthiⁿ íchêng lâi. lûbúlō, Pòtē, Línò, Kulútia kah chéng hiaⁿtī chímōe, lóng beh kā lí chhéngan.

22 Goān Chú kah lí ê simlêng tôngchāi! Goān SiōngChú ê intián kah lín tôngchāi!

16 我頭一 pái 為 kakī 辯解 ê 時，無人 tī 我 ê 身邊支持我，眾人 lóng 離棄我。願上主無 kā chitê 罪歸 tī in。 17 M̄ koh，主 kah 我同在，hō 我有氣力 thang kā 信息完全傳開，hō 所有 ê 外邦人 lóng ē tàng 聽 tiòh。而且我 mā tù 獅口得 tiòh 救。 18 主 ē 救我脫離所有邪惡 ê 攻擊，mā ē chhōa 我安全進入 祂 tī 天頂 ê 國度。願榮光歸 tī 祂，直到永永遠遠。阿們！

最後 ê 請安

19 請替我 kā 百基拉、亞居拉 kah 阿尼色弗全家請安。 20 以拉都繼續 tōa tī 哥林多。特羅非摩因為破病，我 kā 伊留 tī 米利都。 21 你 tiòh 盡量 tī 冬天以前來。友布羅、布田、利努、革老底亞 kah 眾兄弟姊妹，lóng beh kā 你請安。

22 願主 kah 你 ê 心靈同在！願上主 ê 恩典 kah lín 同在！